

tunc actus voluntatis; tum quia multis videtur non posse voluntatem simul efficere plures actus non subordinatos; tum etiam, quia esto non sit impossibile, est tamen superfluum, et contra experientiam, ut appareat: nam quando aliquis diligit amicum considerando plures perfections ejus, quantumvis diversas, ut quod sit nobilis, studiosus, doctus, non diligit illum pluribus amoribus, sed uno, qui ex omnibus illis rationibus excitatur: cuius signum esse potest, quia tunc voluntas ferventius amat: ergo tota illa causalitas applicatur ad unum actum, nam si distraheretur in plures: remissius amaret, cum in unum non conjungerentur: ac denique, quia si essent singuli actus propter singulas rationes, unusquisque excitat sine alio propter suum motivum: contingit autem non ita esse, ut in argumento sumpsimus.

3. In contrarium est primo, quia D. Thomas, eadem quæst. 1, art. 3, ad 3, dicit unum actum tantum habere unum objectum proximum et immediatum, quamvis possit habere plures fines remotos: quod maxime verum esse debet ex objecto formalis, a quo maxime pendet bonitas, vel pluralitas actus: atque idem repetit, 1, 2, quæst. 19, art. 2. Ubi in solutione ad primum dicit finem actus tantum esse unum, quod est verum de fine intrinseco, qui coincidit cum objecto: unde ibi subdit hunc finem non ordinari ad alium finem, nisi ex accidente et remote: si ergo unus actus tantum potest habere unum objectum, tantum potest ab illo habere unam bonitatem. Secundo urget ratio, sectione præcedenti, insinuata, quod vel hæc duplex bonitas intelligeretur esse in eadem indivisibili entitate actus, vel in diversis partialibus componentibus unam. Primum dici non potest, quia unius entitatis indivisibilis una est essentia: ergo una specifica differentia: ergo una bonitas intrinseca ex objecto sumpta. Patet ultima consequentia, quia dictum est hanc bonitatem esse ipsam differentiam specificam actus in entitate sua physica, vel convenientiam ad naturam humanam, quæ in illa fundatur, quod perinde est juxta supratractata. Secundum, etiam dici non potest, primo quia si bonitates illæ specie differunt, etiam entitates, quia sunt idem: ergo erunt entitates totaliter distinctæ et non partialiter, atque ita erunt plures actus, et non unus compositus ex multis partibus. Probatur hæc ultima consequentia; tum quia fingi non potest quisnam sit modus compositionis ex his partibus, quia nec potest esse per modum actus et

potentiae, seu materiae et formæ: jam enim generaliter ostensum est hanc compositionem non reperiri in his qualitatibus: et in his de quibus agimus, non potest ratio assignari, ob quam una pars magis sit per modum potentiae, vel actus, quam alia: quia utraque æque primo tendit in objectum propter suam rationem, et neutra ordinatur ad objectum alterius, ut ad finem, neque ab altera imperatur. Neque etiam potest esse illa compositio per modum integratæ cujusdam, seu continuationis ob rationes quas, sect. præcedenti, feci, quæ hic etiam maxime urgent; tum quia juxta communiorum philosophorum sententiam, quæ specie differunt, ut sic, non possunt continuari; tum etiam, quia in ipsis motivis nullus est nexus, vel continuatio: unde ex parte actus non potest assignari aliquid continuativum, quia ex parte objecti nihil est, quod illi respondeat. Tandem, quia si illa motiva essent in materiis diversis, differentiae ex illis sumptue constituent actus omnino realiter distinctos: sed quod conjugantur in eodem objecto materiali nihil refert ad unitatem actus, quia, ut ostensum est ex objecto materiali, ut sic, non sumitur entitas actus, neque habitudo ad objectum materiale, et formale distinguuntur ex parte actus. Quod etiam ab inconvenienti confirmari potest, quia alias actus amoris, amicitiae, et concupiscentiae Dei substantialiter esset, ac realiter unus et idem, quia illa motiva diligendi in eadem re conjunguntur.

4. *Duplex quæstionis sensus.*—Duobus modis intelligi potest unum actum versari circa eamdem rem sub diversis motivis proximis et immediatis. Primus modus est, quod illa diversa motiva sumantur ut plura, et diversa, et ut integra in sua specie: et consequenter, quod actus sumat ab illis diversas species bonitatis ex natura rei distinctas. Secundus modus excogitari potest, si illa omnia motiva concurrant per modum unius, et tanquam partes componentes unum bonum simpliciter perfectum, a quo sumat actus unam tantum speciem bonitatis diversam ab illis, quæ sumi possunt ex illis motivis per se sumptis, easque velut in virtute, et eminenter complectentem.

5. Circa priorem modum mihi videtur clara resolutio ex dictis, nimirum non posse unum, et eundem actum voluntatis habere simul duas bonitates ex natura rei distinctas; et consequenter non posse tendere in unum objectum materiale sub pluribus rationibus, seu motivis proximis, ut plura sunt, et omnino

distincta. Hoc convincunt (ut existimo) rationes secundo loco factæ, in numero scilicet 3, quæ amplius possunt ex principiis Metaphysicis in hunc modum conformari. In primis sumo illum actum non posse esse unum per compositionem ex pluribus partibus realiter distinctis: quod satis probatur rationibus hic factis, et in superiori sectione. Rursus in indivisiibili entitate nunquam reperiuntur duæ rationes formales, seu differentiae specificæ ultimæ ex natura rei distinctæ, ita ut utraque sit essentialis, et primaria in tali entitate; sed quando contingit, ut inveniantur in una re duæ rationes formales a parte rei distinctæ aliquo modo, necesse est, ut altera sit essentialis tali entitati, altera sit modus ejus: vel si utraque sit essentialis, supponit aliam tertiam primariam et essentialiam tali entitati. Nam in calore, exempli gratia, est et ratio caloris, et ratio calefactionis seu dependentiae, et juxta communem sententiam, ratio similitudinis. Ex quibus sola ratio caloris est essentialis illi entitati; aliae vero rationes sunt quidam modi, qui per se non valent constituere entitatem, sed solum modificant entitatem constitutam: unde fit, ut illa entitas nunquam possit in rerum natura reperiri absque ratione caloris; posset autem esse sine ratione calefactionis, aut similitudinis, quia prima ratio cum sit essentialis, est invariabilis, et ideo e contrario, non possunt posteriores rationes modificantes esse absque priori entitativa: hæc vero potest esse sine hoc vel illo modo.

6. Ratio autem a priori hujus principii est, quia essentia rei omnino est idem cum entitate rei, vel potentiali, si de essentia abstracte loquamur, vel actuali, si loquamur de essentia existente: ergo prima ratio formalis, quia est essentialis unicuique entitati, nullam realem compositionem facit cum illa; ergo non potest hæc ratio multiplicari in eadem entitate; ergo si in una entitate dicantur reperiiri plures rationes formales ex natura rei distinctæ, et facientes compositionem a parte rei; necesse est, ut una tantum earum sit essentialis, quæ necessario erit immutabilis manente tali entitate: aliae vero erunt extra essentiam, saltem ut modi talis entis, qui variari possunt circa tam entitatem. Ex hoc ergo principio concluso in uno actu interiori non posse simul esse duas bonitates objectivas ex natura rei distinctas, quia non potest utraque earum esse essentialis illi actui, quia uniuscujusque rei essentia una tantum esse potest, sicut et entitas, quia, ut dictum est, essentia et entitas non componunt,

8. Ex rationibus autem in contrarium fac-

nec distinguuntur in re: item quia in tali actu esset separabilis una bonitas ab altera, et e contrario, quia et distinguenter ex natura rei, et neque ex parte objectorum, neque ex natura sua haberent inter se necessariam connexionem, neque una magis aliam supponeret, quam e converso, cum utraque per se tendat in suum objectum absque eorum ordine inter se: hoc autem repugnat rationi essentiali, ut ostensum est; ergo neutra earum esset de essentia talis actus, quod est contra dicta, et præterea oportet utrique earum supponi aliam rationem essentialiem tali actui, quæ satis etiam a nobis est exclusa.

7. Nec dici potest unam ex his rationibus esse essentialiam actui, aliam vero modum ejus. Primo, quia non est major ratio de una, quam de alia, quia utraque tendit in suum objectum formalē, sine ordine ad alterum. Deinde, quia ostensum est esse mutuo separabiles, quod repugnat rationi essentiali et modificanti: quia licet res possit separari a modo, non tamen e contrario. Tertio propter illud principium Metaphysicum, quod longum esset exponere, scilicet, quod illa ratio, seu differentia, quæ per se sufficiens est ad constitutandam primo entitatem, nunquam est modus alterius, quia istæ duæ rationes sunt primo diversæ, et quia eadem differentia semper constituit eodem modo. In praesenti autem quilibet ratio formalis talis objecti, et differentia ab illo sumpta est per se sufficiens ad constitutandam entitatem cujusdam actus voluntatis, verbi gratia, justitiae, aut misericordiae, etc., quæ esset in tali actu, si ex illo solo motivo fieret: ergo etiamsi simul moveatur voluntas a pluribus motivis hujusmodi, a nullo eorum sumitur differentia, quæ constitutat modum actus, sed quæ constitutat propriam entitatem actus: ergo erunt illi duo actus distincti, et non unus habens plures bonitates, et haec rationes probant similiter in actibus intellectus. Propter quod existimo certum non posse unum, et eundem actum esse simul fidei et scientiae, ut ex instituto traditur, disp. 3, de Fide, sect. 9. Eadem etiam rationes probant de habitibus: nunquam enim reperiatur unus habitus, qui simul sit in dupli specie virtutis, quod non provenit, nisi ex principiis positis. Probant etiam factæ rationes non posse simul unum actum esse in specie naturali et supernaturali, quæ sit vera species intrinseca, et realis. Et ex his exemplis potest etiam conclusio, velut inductione quadam confirmari.

tis, n. 2, duæ primario procedunt contra hunc sensum. Ad quarum primum facile respondeatur D. Thomam ibi locutum esse de actibus externis, in quibus moralis species semper est accidentaria, et ideo nihil obstat quominus unus actus in esse natura sit in pluribus speciebus moris: et hoc colligi potest ex principio illius solutionis, ubi D. Thomas aliter loquitur de actu interno. Vel certe, si velimus illa verba extendere ad actus voluntatis, non est necesse intelligi de speciebus sumptis ex objecto, sed absolute de speciebus moralibus, sive sumantur ex objecto, sive ex circumstantiis, aut fine, nam hoc modo (ut infra dicam) non repugnat unum actum habere plures bonitatem vel species.

9. Ad secundam rationem respondet nunquam in eadem entitate reperiendas rationes formales a parte rei distinctas esseentialias unius, et idem entitatibus, sed si aliquando a nobis distinguuntur, est per rationem tantum, et conceptus inadæquatos, quomodo distinguimus intellectum a memoria: hic autem agimus de rationibus distinctis a parte rei, quæ in praesenti non possunt se habere, ut essentia, et modulus, ut declaratum est.

10. Tertium argumentum, in eod. n. 2, tangit alterum modum, seu sensum questioonis in n. 4 adductum, in quo videtur magis dubia resolutio: nam omnia adducta in illo arguento videntur persuadere fieri posse, ut intellectus simul consideret in objecto plures rationes objectivas, ex quibus veluti conficiat dignitatem quamdam, pulchritudinem, aut existimationem illius objecti, ratione cuius judicet esse diligendum, ut quid optimum, et excellens: et quod tunc voluntas possit uno motu tendere in illud objectum sic propositum sub illa adæquata ratione, a qua non sumet plures species bonitatis, verbi gratia, justitia, misericordia, etc. Sed unam ab illis distinctam et superiorem illis: quomodo verisimile est Christum Dominum fuisse operatum: et potest adjungi ratio, seu conjectura, quia virtutes inferiores multipliciter, et divisim operantur: superior autem virtus solet operari unite: ergo licet actus particularium virtutum tendant in singulas rationes bonitatis, ut motiva integra, et totalia, poterit etiam dari virtus superior, quæ omnia illa complectatur per modum unius, sicut Angelus intelligit omnia uno actu, quæ respectu inferioris sufficerent ad multiplicantibus actus.

11. In contrarium est, quia licet haec excellentia, et universalitas virtutis fortasse non sit

absolute impossibilis, tamen respectu humanae voluntatis operantis connaturali modo videtur exceedere capacitatem ejus: alioquin superflua esset distinctio specialium virtutum hujusmodi in voluntate: nam sufficere posset una, quæ per modum unius complectetur omnes rationes honestatis, nam illa etiam posset elicere actus speciales circa singulas rationes honestatis, quamvis essent illi inadæquati: sicut Angelus per eamdem speciem, quæ potest plura intelligere, potest efficere actum inadæquatum circa unam rem tantum. Confirmatur, quia alias posset etiam voluntas simul uno actu velle objectum propter rationem naturalem, et supernaturalem componendo ex illis unum integrum objectum undique bonum, ac perfectum: est enim in hoc eadem ratio. Consequens videtur falsum, quia talis actus nec naturalis esse potest, nec supernaturalis. Simile argumentum sumi potest ex actibus intellectus, nam si hoc potest facere voluntas, eadem ratione poterit intellectus uno actu assentiri veritati propter motiva diversarum rationum, quatenus illa simul sumpta videntur constituere unum objectum aut clarius, aut certius: poterit ergo idem assensus intellectus fundari in divina auctoritate, et principiis evidenteribus, vel etiam in auctoritate humana: atque ita in una specie assensus complectetur, quidquid est scientiae, et fidei divinæ et humanae: quod tamen omnino falsum est, ut suppono ex materia de fide.

12. *Unum pronuntiatum pro decisione.* — In hac re, que mihi dubia videtur, dicendum imprimis censeo regulariter, ac fere semper cum voluntas operatur propter plura motiva in objecto inventa, et formaliter diversa elicer plures actus habentes bonitatem specie diversas, quia licet videtur voluntas simul propter illa omnia motiva interius operari, re tamen vera actus voluntatis non fiunt in eodem indivisibili instanti, sed unus post alium, quamvis velocissime. Quod potest ex parte intellectus suaderi, quia non potest facile simul in eodem instanti considerare in eodem objecto seu actione plures rationes honestatis objectivæ, præsertim cum ad judicandum de qualibet earum saepe sit necessaria perfecta attentio, et collatio plurium rerum. Fit ergo haec consideratio intellectus regulariter loquendo, per velocissimam actuum successionem: ita ergo fieri in voluntate, quia haec non movetur actualiter, nisi ab illo objecto, quod actu aliter consideratur. Vel certe, quia licet contingat interdum voluntatem in eodem instanti moveri ex

pluribus rationibus honestis actu consideratis, procedunt quando illæ rationes, ita sunt distinctæ, ut non possint per modum unius componi in ordine ad eumdem actum.

SECTIO IV.

Utrum actus voluntatis habeat unam bonitatem in ordine ad plura objecta materialia, ad quæ tendit sub eadem ratione honestatis.

1. *Quoad distinctionem specificam qui dicant sumi ex distinctione materiali objectorum.* — Quæstio haec intelligi potest vel de eadem honestate in specie, vel una numero, et de utroque sensu breviter dicam. Et de honestate specifica primo est vulgaris opinio Nominalium, actus virtutis circa objecta diversa materialiter esse specie diversos, etiam si ratio honestatis sit eadem in objectis. Quod necesse est sentire omnes, qui existimant substantialia actus voluntatis sumi ex materiali objecto, et bonitatem tantum esse modos, vel formalitates illius: nam si species substantialis actus sumitur ex habitudine ad materiale objectum: ergo variato illo objecto essentialiter, et specificie in esse entis: necesse est variari etiam actum: quod sic potest confirmari, quia actus voluntatis circa idem materiale objectum diverso tempore facti differunt numero: et similiter actus circa objecta materialia specie diversa: magis enim distat amor Angeli ab amore hominis, quam amor unius hominis ab amore alterius: ergo si hi differunt numero, necesse est, ut illi differantur specie, quia post distinctionem numericam nulla est proximiior, et minor specifica.

2. Dicendum est tamen solam materiale distinctionem objectorum non satis esse ad distinctionem bonitatis specificam actus voluntatis, atque ita actus habentes idem objectum formale, habere unam bonitatem in specie, etiam si circa res distinctas versentur. Hæc sententia sumitur ex D. Thoma, prima secundæ, quæstione decima nona, articulo quinto, et sexto, et clarissima secunda secundæ, quæstione vigesima quinta, articulo primo, et in ejus schola est receptissima sententia. Quæ potest imprimis suaderi, nam ejusdem rationis est bonitas temperantiae, aut misericordiae in voluntate, qua servatur medium illarum virtutum, sive materia comedendi sint carnes, sive aliæ res, et sive subveniatur proximo, dando illi argentum, vel aurum, vel triticum: quia hæc, et similia sunt per accidens ad honestatem virtutis, quin potius accidere potest, ut circa plures ex his materiis versetur unus actus

non solum specie, sed etiam numero, et indi-
visibilis in sua substantia, et entitate, et con-
sequenter in sua intrinseca bonitate, ut si quis
uno motu voluntatis velit se gerere temperate
in toto prandio, quantumvis diversis rebus
conset, aut velit bona sua distribuere pauperi-
bus etiamsi multiplicia sint, et clare, ac dis-
tincte sibi proposita: ratio vero sumenda est
ex contrario fundamento oppositas sententiae:
nam actus interior voluntatis non habet sub-
stantiam suam a materiali objecto voluntatis
per se praeceps, ac formaliter, sed habet uni-
cam simplicem speciem ab objecto sub tali ra-
tione formalis intento: ergo ubi in objecto est
eadem ratio formalis, erit in actibus eadem
bonitas: convenienter enim tales actus in boni-
tate, quae convenientia non potest esse, nisi
specifica, cum sumatur ex ultima differentia,
et specifica ratione objecti, cumque ex objecto
materiali, ut sic, nihil sumatur, in quo possint
specie differre. Denique objectum formale ut
sic, quasi contrahit materiale, et ideo sola
materialis diversitas non sufficit ad distinctio-
nem specificam bonitatis.

3. Neque contra hoc obstat conjectura su-
perius adducta, quia in numerica distinctione
potest esse latitudo, et major, aut minor conven-
tientia, et similitudo inter ipsa individua, ut
eodem argumento convinci potest, nam magis
inter se inconveniunt bonitates sumptae ex
objectis materialibus solo numero differenti-
bus, quam bonitates, quae sunt in ordine ad
idem objectum materiale numero in diversis
actibus eliciti diversis temporibus, aut a di-
versis hominibus: et nihilominus certissimum
est illam non esse differentiam specificam,
et in aliis accidentibus respectivis id non re-
peritur.

4. Dieo autem conclusionem intelligendam
esse quando objectum formale est omnino idem
respectu omnium materialium: nam si aliquo
modo varietur, vel in se, vel in modo (ut sic
dicam) informandi objectum materiale, pote-
rit sufficere ad distinctam bonitatem actus,
licet forte non distinguat virtutis habitum.
Exemplum est in adoratione, seu latria abso-
luta, vel respectiva, quae juxta probabilem
sententiam specie differunt in actibus, quam-
vis in eadem excellentia objecti fundentur:
quia adoratio absoluta respicit illam excellen-
tiā in se, et ut intrinsece afficiētē personam:
respectiva vero solum attingit illam per
quamdam habitudinem extrinsecam: atque
idem multi existimant de amore Dei et proximi,
et de intentione finis, et electione medii

properter bonitatem finis, de quo postea. Atque
ad eundem modum idem objectum bonum sub
diverso statu, et habitudine propositum, potest
variare actum et bonitatem ejus. Sic enim
bonum absolute propositum excitat amorem,
seu simplicem voluntatem: consideratum ve-
ro ut absens, et prosequendum excitat desi-
derium, et intentionem, ut, in prima secundæ,
D. Thomas tractat; et ratio omnium est, quia
haec diversitas sufficit causare diversum mo-
dum operandi voluntatis, et ideo respectu
actuum induit aliquo modo diversam ratio-
nem formalem objecti, de quo latius alibi.

5. *Quoad distinctionem numericam primus
dicendi modus.* — *Secundus modus.* — Circa se-
cundum sensum questionis de unitate nume-
rica possunt excogitari varii modi dicendi. Pri-
mus est tot multiplicari bonitates in actibus,
quot sunt objecta materialia distincta. Sed hoc
ita absolute sumptum non potest esse verum:
quis enim dicat quatuor actus, vel bonitates
elicer eum, qui vult, aut quatuor numeros ar-
genteos in eleemosynam dare, aut quatuor ho-
minibus subvenire, quod in actibus malis cer-
tum est; non enim centum peccata committit,
qui centum furari vult. Alius modus dicendi
esse potest circa haec objecta esse unum ac-
tum, compositum tamen ex tot partibus, seu
bonitatibus partialibus, quot sunt objecta ma-
terialia. Sed jam saepē improbavi hanc com-
positionem in his actibus, quae certe maxime
est superflua in ordine ad haec objecta mate-
rialia inter se omnino discreta.

6. *Verus modus.* — Dicendum est ergo quan-
do res materialiter diverse (licet in se sint dis-
tinctorum) tamen voluntati simul proponuntur
per modum unius objecti adaequati, et sub una
ratione boni, tunc tantum esse in actu voluntatis
unam numero bonitatem simplicem, et
indivisibilem in sua entitate. Probatur, quia
haec bonitas actus est substantialis ejus enti-
tas, et tendentia in objectum: sed tunc volun-
tas unico impetu, et inclinatione tendit in
totum illud objectum per modum unius: ergo
realiter est in voluntate unius simplex actus:
ergo unica ejus bonitas ex objecto: et confir-
matur a sufficiente enumeratione, quia ibi non
sunt plures actus, nec compositio ex pluribus
partialibus actibus propter rationes factas:
ergo est unica simplex entitas actus: ergo est
una numero et simplex bonitas.

7. *Corollarium ex dictis.* — Unde infero,
quocumque alio modo varietur hoc objectum
materiale, sive in toto, sive in parte, variari
totum actum voluntatis quoad individuam en-

titatem ejus, et bonitatem, quia in voluntate
integra causa: ergo non potest esse simpliciter
bonus, quin a circumstantiis habeat boni-
tatem: sicut enim non potest esse substantia
creata sine accidentibus; ita neque actus hu-
manus sine circumstantiis: sicut ergo non po-
test esse substantia perfecta, nisi ab accidenti-
bus sibi debitis habeat perfectionem aliquam,
ita neque actus voluntatis potest esse simpli-
citer bonus, nisi a propriis circumstantiis ha-
beat bonitatem. Unde multi theologi actum ex
objecto bonum, et carentem bonitate circum-
stantiarum, dicunt non esse simpliciter bonum,
neque honestum, sed tantum secundum
quid, scilicet ex genere, ut loquitur Magister,
in 2, d. 30, et ibi Bonaventura, dubio 5, circa
textum, et ibi Scotus, et d. 40, et quodlib. 18,
Gabriel ibi et in 3, dist. 23, Henricus, quodlib.
13, q. 10. Favet D. Thomas 1, 2, q. 28,
art. 4.

2. In contrarium autem videtur fieri non
posse, ut actus interior habeat bonitatem ex
circumstantiis, nam D. Thomas 1, 2, q. 19,
a. 2, docet habere illam ex solo objecto. Quod
potest etiam ratione probari, quia actus inter-
ior non habet a circumstantiis substantialem,
et (ut ita dicam) entitativam bonitatem, quia
haec tota sumitur ex habitudine actus ad ob-
jectum, nam tota entitas actus interioris habet
hanc habitudinem. Rursus neque potest ha-
bere a circumstantiis augmentum hujus boni-
tatis, quia neque hoc augmentum potest esse
extensivum, quia hujusmodi genus augmenti
non habet locum in actibus internis, ut sepe
dixi, neque etiam intensivum, quia hoc ad
summum salvare potest in circumstantia *Quo-
modo*, quae se tenet ex parte actus ipsius, non
vero in aliis circumstantiis, quae non intendunt
ipsum actum; praesertim in circumstantiis ob-
jectivis, ex quarum additione poterunt quidem
multiplicari actus interni, per quos voluntas
in illas circumstantias tendat, non tamen vi-
detur augeri bonitas unius et ejusdem actus.
Nec denique potest hoc augmentum esse solum
per denominationem extrinsecam, et moralem
aestimationem, quia, ut supra dixi, haec deno-
minatio in praesenti solum habet locum per
informationem, seu imperium unius actus ab
alio. Hic autem modus denominandi pertinet
ad circumstantiam finis, non vero ad alias, de
quibus nunc agimus.

3. *Prima assertio negativa.* — *Præmittitur
triplex membrum assertionis.* — Dicendum pri-
mo, ut actus voluntatis sit bonus simpliciter,
non necessario requirit objectivas circumstan-
tias proprias, a quibus accidentale bonitatem,

DISPUTATIO V.

DE BONITATE ACTUS INTERIORIS EX CIRCUM-
STANTIIS.

Condistinguimus hic, ut saepē admonui, cir-
cumstantias a fine extrinseco, de quo, disputa-
tione sequenti, et supponimus omnes distinc-
tiones circumstantiarum supra traditas, tr. 2,
disp. 5. Præcipue tamen in tota hac disputa-
tione advertendum est circumstantias, quae
possunt ad bonitatem actus interioris conferre,
interdum sumi posse ex parte objecti, interdum
ex parte ipsiusmet actus interioris, et priores
vocabo semper objectivas, posteriores vero cir-
cumstantias ipsius actus.

SECTIO I.

*Utrum actus interior, ut sit simpliciter bonus,
requirat bonitatem aliquam ex circumstan-
tias.*

4. Ratio dubii pro parte affirmativa est,
quia, teste Aristotele, humanus actus versatur
circa singula: ergo non potest esse humanus
actus ex objecto bonus, nisi habeat in parti-
culari circumstantias bonas, quia bonum ex